



REPUBLIKA E SHQIPËRISË

GJYKATA ADMINISTRATIVE E APELIT  
KËSHILLI I GJYKATËS

Nr. 539 prot.

Tiranë, më 7.12.2023

V E N D I M

Nr. 79, datë 07.12.2023

“PËR EMËRIMIN E SHTETASIT DONALD ÇELA SI NËPUNËS CIVIL  
GJYQËSOR SEKRETAR GJYQËSOR”

Këshilli i Gjykatës Administrative të Apelit, i përbërë nga:

<b>Ardian DVORANI</b>	<b>Zëvendëskryetar i Gjykatës,</b>
<b>Blerona HASA</b>	<b>Anëtare Zëvendësuese,</b>
<b>Leonard STRATAJ</b>	<b>Kancelar i Gjykatës,</b>

Asistuar nga sekretare **Kristina PËRNASKA**, i mbledhur në Tiranë, sot më datë, **07.12.2023**, pasi mori në shqyrtim çështjen e emërimit nëpërmjet lëvizjes paralele, si nëpunës civil gjyqësor në Gjykatën Administrative të Apelit, të sekretarit gjyqësor të Gjykatës Administrative të Shkallës së Parë Tiranë, z. Donald Çela,

V Ë R E N

Këshilli i Lartë Gjyqësor, me Vendimin nr. 622, datë 10.12.2020 “Për lëvizjen paralele, ngritjen në detyrë dhe pranimin në shërbimin civil gjyqësor”, ka miratuar procedurën për plotësimin e vendeve vakante në shërbimin civil.

Nga ana e Gjykatës është njoftuar Këshilli i Lartë Gjyqësor se pranë këtij institucioni është l (një) vend vakant në shërbimin civil gjyqësor, kategoria ekzekutive “Sekretar gjyqësor”.

Ligji nr. 98/2016, nenet 66, 67 dhe 68 “Për Organizimin e Pushtetit Gjyqësor në Republikën e Shqipërisë”, i ndryshuar, si dhe Vendimi nr. 622, datë 10.12.2020 “Për lëvizjen paralele, ngritjen në detyrë dhe pranimin në shërbimin civil gjyqësor”, i Këshillit të Lartë Gjyqësor parashikon që vendet vakante në shërbimin civil gjyqësor plotësohen me rikthimin në zbatim të një vendimi gjyqësor të formë së prerë, rikthimin për shkak të pezullimit si dhe nëpërmjet transferimit. Në rast të pamundësisë për plotësimin si më sipër, atëherë në radhë zbatohet lëvizja paralele, ngritja në detyrë dhe në fund pranimi në shërbimin civil gjyqësor.

Në këto kushte, në mbledhjen e datës 25.10.2023, Këshilli i Gjykatës vendosi të procedojë për plotësimin e vendit vakant me anë të lëvizjes paralele dhe shpalli njoftimin në faqen

zyrtare të Këshillit të Lartë Gjyqësor, Gjykatës, si dhe gjithë gjykatave të vendit me kushtet e kërkuara.

Afati i aplikimit për lëvizjen paralele u caktua deri më datë 09.11.2023. Rezulton se deri në këtë datë janë paraqitur aplikime të shtetasve Erisa Gremi, Donald Çela. Në përfundim të verifikimit paraprak të kandidatëve Erisa Gremi, Donald Çela për përmbushjen e kushteve nëpërmjet procedurës së lëvizjes paralele për pozicionin vend vakant "Sekretar Gjyqësor" në Gjykatën Administrative të Apelit, këta të fundit janë kualifikuar për të vazhduar fazën e dytë, atë të vlerësimit profesional nga Këshilli i Gjykatës.

Në datë 17.11.2023 kandidatja Erisa Gremi ka njoftuar me e-mail se për shkaqe objektive tërhiqet nga kërkesa për kandidim për pozicionin sekretare gjyqësore në Gjykatën Administrative të Apelit. Në këto kushte, Këshilli i Gjykatës është mbledhur në datë 30.11.2023 duke bërë vlerësimin e kandidatit të vetëm tashmë të kualifikuar Donald Çela.

Ndërkohë u mbajt parasysh fakti që Këshilli i Lartë Gjyqësor ka miratuar edhe Udhëzimin nr.85, datë 11.03.2021 "Për procesin e plotësimit të vendeve të lira në shërbimin civil gjyqësor nëpërmjet procedurës së lëvizjes paralele, ngritjes në detyrë dhe pranimit nëpërmjet konkurrimit të hapur", dhe për rrjedhojë Këshilli u bazua edhe mbi këtë vlerësim.

Këshilli i Gjykatës mori në vlerësim profesional kandidatin e kualifikuar Donald Çela, duke i drejtuar pyetje rreth përvojës arsimore, profesionale, referuar nenit 11 të Vendimit nr. 622, datë 10.10.2020 dhe Udhëzimit nr.85, datë 11.03.2021 të Këshillit të Lartë Gjyqësor.

Këshilli i Gjykatës pasi mori në shqyrtim dokumentacionin e paraqitur nga kandidati Donald Çela miratoi vlerësimin si më poshtë:

Për vlerësimin e përvojës profesionale, anëtari i parë ka dhënë 30 pikë, anëtari i dytë ka dhënë 30 pikë, anëtari i tretë ka dhënë 30 pikë.

Për kriterin e vlerësimit në punë, të gjithë anëtarët kanë dhënë 40 pikë.

Për pikët në fushën e trajnimeve, ose kualifikimeve, të gjithë anëtarët kanë dhënë 10 pikë. Nga mbledhja e vlerësimit të përvojës profesionale, vlerësimit në punë dhe vlerësimit të trajnimeve profesionale, kandidati Donald Çela u vlerësua në total me 80 pikë.

Sipas nenit 11 të Vendimit nr. 622/10.12.2020 "Për lëvizjen paralele, ngritjen në detyrë dhe pranimin në shërbimin civil gjyqësor" kandidati Donald Çela konsiderohet i suksesshëm.

Neni 13, pika 1, i Vendimit nr.622, datë 10.12.2020 të Këshillit të Lartë Gjyqësor parashikon se: "1.Këshilli, brenda 24 (njëzet e katër) orëve, pas përfundimit të procedurave të ankimit, bën emërimin e kandidatit me më shumë pikë, nga lista e hartuar sipas pikës 2 të nenit 11 të këtij vendimi...".


Duke qenë se kandidati Donald Çela plotëson kushtet formale për lëvizjen paralele dhe është vlerësuar me 80 pikë në vlerësim, Këshilli i Gjykatës çmon se ai duhet të emërohet "Sekretar Gjyqësor" në Gjykatën Administrative të Apelit dhe, për rrjedhojë,

## V E N D O S I:


1. Emërimin e shtetasit Donald Çela si nëpunës civil gjyqësor "Sekretar Gjyqësor" pranë Gjykatës Administrative të Apelit.

2. Z. Donald Çela të bëjë dorëzimet, brenda 5 ditëve nga nxjerrja e këtij akti, në Gjykatën Administrative të Shkallës së Parë Tiranë.
3. Vendimi t'i njoftohet kandidatit, Këshillit të Lartë Gjyqësor dhe të gjithë Gjykatave të Republikës së Shqipërisë.
4. Ngarkohet Kryetari i Gjykatës dhe Kancelari për zbatimin e këtij vendimi.

**Anëtar  
Kancelari  
Leonard STRATAJ**



**Anëtare  
Anëtari Zëvendësues  
Blerona HASA**



**Kryetar  
Zëvendëskryetar  
Ardian DVORANI**

